



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

Articulus VI. De quibus rebus pacisci liceat?

---

[urn:nbn:de:hbz:466:1-73031](#)

rogare pacto initio cum Rectore Ecclesiae de non sepeliendis ejus Parochianis in Ecclesia sua, ceteroquin privilegiata, c. paetum, de paet. in 6.

<sup>1578.</sup> Ex his sequitur 1. non solum illicitum, sed etiam invalidum esse pactum, praedicans juri alterius, non consentientis (c. plerique, de paetis) praesertim juri publico ex n. priori; & juri Ecclesiae, c. plerique cit. hinc irritum est pactum in præjudicium juris Ecclesiae Parochialis; hoc enim est debitum Ecclesiae Parochiali, c. fin. de Parochijs. Sequitur 2. pactum, quod ineunt Clerici v.g. elocantes domum, vel vineam, ut sibi solvantur decimæ, alioquin debitæ Parochiali Ecclesiae, irritum esse; quia tale pactum est in Ecclesiae Parochialis præjudicium; unde Parochus eas potest repetere, vel actione personali contra Parochianos, qui eas persolverunt; vel reali contra eos, qui acceperunt; habetur cit. c. plerique, &c apud Pirhing, de paet. Q. 3. num. 6.

Sequitur 3. quod, quamvis quilibet fidelium possit sibi eligere sepulturam in qualibet Ecclesia, habente jus sepeliendi, etiam non Parochiali (c. 1. de sepulturis) pactum tamen, quo obligetur habere sepulturam in alia, quam Parochiali, esse nullum ex c. plerique cit. quia est in præjudicium Ecclesiae Parochialis, consequenter non valet. Si autem Religiosi, qui pacto renuntiârunt suo privilegio (ut dixi n. priori) post hoc impetrant novum ejusmodi privilegium, recipiendi ad sepulturam quoscunque volentes: non valet adversus pactum initum, nisi ejus in tenore privilegij mentio fiat, quia Pontifex in concessione privilegiorum non vult agere in præjudicium tertij, nisi quantum exprimit. Pirhing cit. §. 3. n. 10.

## ARTICULUS VI.

### De quibus rebus pacisci liceat?

<sup>1579.</sup> **R**esp. licitum esse pacisci de qualibet rhonesta, consistente in commercio humano, sive præsente, sive absente, sive etiam futura, & non existente, modò sit paciscentium propria (nam res, aut jura aliorum in pactum utiliter deduci non possunt, nisi juxta dicta n. supr.) & possibilis, quia nemo potest ad impossibile obligari,

Tom. I.

Reg. nemo, de Reg. jur. in 6. sive sit impossibile de facto, v.g. ut quis non moriatur; sive de Lege. Sic impossibile dicitur, quod jure, licet solum humano, nobis sub culpa prohibitum est, ut notat Pirhing de paet. n. 26. ex c. faciat 22. q. 2. junct. gloss. V. quod potest. & L. filius, ff. de conditionibus institutionum, ibi: que contra bonos mores sunt: ne facere nos posse, credendum est. Hinc juramentum super tali re praestitum, omnino irritum est, c. ad nostram, de jurejurand.

Hinc sequitur 1. paetum, in præjudicium juris alieni, irritum esse; quia iure naturali prohibitum est laedere jus alienum; 2. pactum Clericorum in præjudicium cultus Divini, irritum esse, ex eadem ratione, Layman in c. ex parte Constit. quia est contra eorum vocationem; & cultus Dei est juris publici, cui non derogatur pactis privatorum; quod verum est, licet ejusmodi pactum à Papa confirmetur, arg. c. ex parte; quia confirmation data in forma communi, non dat valorem actui, c. cum dilecta, de confirm. utili, &c. 3. pactum, etiam juratum, de hereditate viventis, si absque illius consensu fiat, irritum esse, L. ult. C. de paet. Layman in c. quoniam, de Constitut. n. 7. ubi ait: prædictam legem irritantem, esse talem non per rescissionem, vel impedimenti oppositionem: sed interpretationem, & declarationem.

Ubi obiter not. legem irritantem, seu ipsum irritare, tripliciter sumi, 1. cum actus aliquis rescinditur; 2. cum impedimentum opponitur, quostante res non fit validè; aut certa forma actus prescribitur, qua non servata nulliter celebratur, 3. cum lex actum gestum declarat ex alio jure, vel capite, nullum esse. Lex irritans, primo, & secundo modo sumpta, nisi exprimat, non extenditur ad præterita; quia pacta, & contractus aestimati debent secundum leges, & consuetudines, eo tempore vigentes, quo initi sunt; tum quia contrahentes de futuris, & supervenientibus, cogitare non poterant; tum denique, quia jure, per contractum acquisito, privari non debent. Aliud est de lege irritante solum per declarationem. Nam haec extenditur etiam ad præterita, ut notat Layman cit. n. 6. quia, qui jus declarat, non de novo condit; sed, quod ante pos-

Ff ff

positum est, denuntiat, L. 19. L. heredes palam, §. si quid de Testamento. ubi dicitur: qui declarat, nihil tunc dat, sed datum significat.

2581. Sequitur 4. contractum usurarium irritum esse; quia servari non potest citra peccatum; quod verum est, licet confirmeretur à Principe ex certa scientia, vel cum causæ cognitione suppleat defectum actus ortum ex jure humano positivo, c. sicut, cit. & ideo ad valorem contractus non proficit ea Principis confirmatio, vel sublatio defectus ex jure humano; si laboret etiana alio, ex jure naturali, vel Divino, ut contingit in contractu usurario. Sequitur 5. omnem pactionem simoniacam irritam esse; cum non sit de re licita, & honesta; sed impossibili lege, tum Divinâ, tum humana, c. pactiones, de pact. omnis autem pactione circa Spiritualia, vel eis annexa pro aliquo temporali, semper continet labem simoniæ, c. questum, de rerum permutat. Hinc irritum est pactum, quo aliqui privata conventione, sine Superioris auctoritate paciscuntur, ut una pars, jure, & lite beneficij v. g. quod habet, cedat; altera vero temporale quid offerat; quia videtur simoniacum, c. cum pridem, de pact.

Ubi autem intercedit solum simonia juris humani, & illa transactio fit auctoritate Superioris, valida est pro foro externo; licet aliquid temporale detur; non quidem pro jure dubio, cum Spirituale sit; sed expensis in item factis, arg. c. nisi essent, de praebend. vel in sustentationem cedentis, vel ob bonum pacis, dubium litis evenitum, aut redimendam vexam; ita Layman oper. mor. l. 4. tr. 10. c. ult. n. 59. imò, si hac ratione detur aliquid temporale in casu proposito, existimo licite fieri in foro conscientiae; quia c. cum pridem, videtur procedere solum ex presumptione simoniæ; presumptione autem cedit veritati. Qui autem rotum beneficium cessit, non servato per cessionarium pacto, potest suum beneficium repetere; & hoc ei reddi debet, si cessio facta est in manu Superioris, cit. c. cum pridem.

2582. Sequitur 6. irritum esse pactum de succedendo post mortem Praelati, vel beneficiati; quia iniquum est, & SS. Canonibus repugnans. Ecclesiæ enim, & beneficia, non per hæreditariam quasi successionem,

sed canonicam electionem, vel institutionem obtineri debent non prius, quam videntur, c. accepimus, de pact. c. transmissa, & c. ad extirpandas, de fil. Presbyt. c. 2. de concess. praebend. c. Apostolica, 8. q. 1. in his tamen, quia sunt juris humani, dispensare potest Pontifex, Pirthing de pact. n. 21. Sequitur 7. irritum esse pactum, quo quis, ut in Ecclesia, vel beneficio instituatur, promittit pensionem annuam, vel augmentum pensionis antiquæ se soluturum, c. cum Clerici; de pact. quia intervenit vitium simoniæ. Et hoc procedit non tantum de pensionis augmento, quæ prius legitima Episcopi auctoritate de tali Ecclesia solvi consuevit (præsertim si pactum antecedat collationem, vel institutionem) sed etiam de pacto propria auctoritate Clerici, majorem pensionem solvendi; sic Abbas hic n. 1.

Not. autem 1. quamvis in cit. c. dicatur, Clericum, qui tali pacto beneficium consecutus est, adeptâ taliter Ecclesiâ spoliandum esse, non posse intelligi textum tanquam solum irritantem, duntaxat rescindendo; quia cum simoniacum sit pactum, ipso jure nullum est ex num. 2581. quod verum est, sive pactum antecesserit, sive factum sit in ipsa collatione. Not. 2. si pactum fuit jam post collationem, non posse dici simoniacum; quia sic jus spirituale obtinuit sine promissione rei temporalis: quia tamen Ecclesiam constituit censualem contra juris prohibitio nem (c. prohibemus, de censibus) peccat, & puniri debet; sic Abbas in c. cum Clerici, n. 2. Not. 3. posse quidem Episcopum, cum consensu Capituli beneficio vacanti (auctis ejus redditibus) pensionem imponere, vel antiquam augere; sed non in ipsa collatione; quia periculum est pactionis simoniæ, si solutio pensionis in commodum Collatoris directe, vel indirecte cedat, ut patet ex c. unic. Ut Ecclesiastica beneficia Layman cit. lib. tr. 2. c. 18. nn. 4.

Sequitur 8. omne pactum, quod observari non potest sine derimento animæ, vel periculo æternæ salutis, irritum esse. Sic enim non est de re honesta, & licita. Et secundum leges etiam civiles, pactum rei turpis, & impossibilis de jure, aut facto, nullam obligationem inducit; ita Greg. IX. c. pactiones, de pact. L. pactum, C. de

*C. de collat.* Hinc generaliter pacta, quæ contra leges, vel bonos mores sunt, nullam vim habent, *L. generaliter, de verbis obligat. L. pacta, C. de pactis.* Sed hoc intellige, si lex sit irritans impediendo, ut notat Sanchez lib. 3. de matr. D. 5. nu. 4. apud Portel. quest. regul. p. 1. casu 13. n. 2. non autem merè prohibendo, nisi pactum de aliquo futuro, cui lex resistit; illud prohibens sub culpa. Nam ad peccatum non datur obligatio. Not. præterea, pactum rei perpetuò impossibilis de facto, non obligare; hic enim locum habet regula c. nemo, de reg. jur. in 6. si verò sit impossibilis solum ad tempus, sublatu impedimento, pactum tenet; Pirthing, *de pactis* n. 26. his præmissis:

Quæres 1. an obliget pactum ob turpem causam? Resp. tametsi pactum ob turpem causam, antequam opus, de quo pactum est, præstetur, non obliget, cum sit de re turpi, & illicita: satis tamen probabile esse, quod præstito opere turpi, is, qui implevit, licet petat rem promissam, vel prius acceptam retineat; & promissor obligetur dare; quia sic pactum citra peccatum impleri potest; sic *D. Th. 2.2. q. 6. 2. a. 5. ad. 2.*

Quæres 2. an obliget pactum liborum cum parentibus, quo accepta dote, vel legitima renuntiant hæreditati? Resp. quamvis cit. *Lex pactum, C. de Collat.* improbat pactum filii cum Patre, dum nupti tradebatur, quod dote contenta nullum regressum ad paterna bona habeat, ut dicitur c. quamvis, *de pact. in 6.* Si tamen tale pactum juramento, nec vi, nec dolo præstito, ab eadem firmatum sit, omnino servandum esse; quia juramentum præstitum super actu, in favorem jurantis à jure civili irritato, absque vi, & dolo, ac alterius præjudicio, quod citra peccatum servari potest, servandum est, ut dicitur c. quamvis, & c. cùm contingat, de jurejurando; intellige tamen, si aliunde validum sit.

Hæc resolutio procedit 1. si pactum (quo renuntiatur paternæ hæreditati) factum sit, dum filia nupti tradefetur, sive post, sive ante nuptias, & constitutam dotem t. quia etiam hic ratio decisionis (nimis reverentia juramenti) locum habet. Et propter hoc idem dicendum est de juramento filij, vel aliorum consan-

guineorum, esto in textu solum de filia sit sermo. Nam filia ibi ponitur solum exempli gratiæ; quia ratio decisionis est communis omnibus hæreditibus necessarijs, sive descendentes, sive ascendentis sint; imò locum habet etiam in casu hæreditatis, etiam fraternæ; ita Pirthing, cit. n. 30. Procedit 2. de pacto minorum 25. annis, modò puberes sint. Nam & hi ligantur ex pacto jurato; secus impuberis, licet pubertati sint proximi, & capaces dolii. Nam hi ob imperfectam etatem ex illo non obligantur civiliter, quo minus restitutio in integrum pertinet, & absolutantur. Colligitur ex authenti *Sacramenta impuberum, C. si advers. vendit.*

Sed quid, si filia ignoravit pactum, de quo agimus; jure civili esse reprobatum. Resp. adhuc teneri; quia per hoc consensus jurantis non impeditur; Covarruv. *in c. quamvis, p. 2. in relection. 3. n. 5.* quod verum est de filia, etiam nondum emancipata. Nam ex causa dotis potest fieri pactum inter Patrem, & filiam familias etiam jure civili, ut notat Covarruv. cit. Et licet hoc pactum juratum fiat eo tempore, quo filius, vel filia religionem ingreditur, adhuc tenebit ex uti juramenti. Unde Monasterium, emissa deinde professione, non succedit ejus loco in paternam, vel aliam hæreditatem, cui filia prius pacto jurato renuntiavit. Quia non succedit nisi ex jure, & persona professa; sed hæc ante professionem, ubi adhuc renuntiare potuit, se illo jure abdicavit, & consequenter in Monasterium non transtulit; sic Covarruv. p. 3. q. 2. n. 3. quod intellige, sic renuntiatio sit spontanea; non, si coacta (ut sèpe fit) parentibus liberos suos, ex practicata tali renuntiacione, Religioni dantibus.

Quæres 3. an dicta procedant etiam in casu, quo post tale pactum aucta sunt bona Patris? duplicem sensum potest habere quæstio; primò, ut juramentum se extenderat solum ad bona, ex quibus tunc existentibus dos desumpta est; 2. ut etiam ad ea, quæ postmodum acquirentur, quo posito: Resp. ad quest. mulierem, quæ juravit, quod vélit esse contenta dote, quam accepit secundum vires bonorum tunc existentium, ex illis nihil posse exigere, etiamsi postea aucta sint; bene tamen ex augmendo, nisi etiam expressè huic

renuntiaverit. Nam jurata renuntiatio ad plūs non obligat, quām renuntiatum sit. Covarruv. cit. §. 1. n. 2. Et quamvis aliás donatio revocetur propter supervenientiam liberorum, renuntiatio tamen hæreditatis jurata non revocatur, etiamsi postea liberos acquisiverit: Covar. q. 3. nn. 8. Et hæc constitutio c. quamvis, obligat etiam Laicos; nam & hi, ratione juramenti, fortiuntur forum Ecclesiasticum, adeoque cogi possunt ad observantiam juramenti; cum hic agatur de vitando peccato. Unde & Judices Laici, secundum hunc Canonem, in suo foro procedere debent, ut dicitur in c. 2. de jure jurando, in 6. quod universaliter verum est in omnibus canonibus, ubi periculum est animarum. Sed:

2587.

Quæres 4. an hæc renuntiatio jurata valeat etiam in casu, quo renuntians nullam prius portionem, vel dotem accepit à Patre? & illam constitutionem in dicto casu locum non habere; quia vis constitutionis est, ut obligetur, dote accepta; ergo si nullam dotem accepit, habet regressum ad bona Patris perinde, acsi pactum illud non fuisset juratum; dos enim succedit loco alimentorum. Unde sicut juri alimentorum renuntiari non potest, sic nec juri dotis; ita Gail. lib. 2. observ. 147. nn. 13. excipe, nisi aliunde habeat, aut habere possit alimenta suo statui competentia; tunc enim non debentur à parentibus.

2588.

Quæres 5. quid dicendum, si pactum sit extortum, dolo, vi, metu, vel callida persuasione Parentum, aut aliorum. Resp. pactum vi extortum, sicut & juramentum, defectu voluntarij, nullum esse; sicut etiam, si dolo, causante ignorantiam, vel errorem circa substantiam pacti. Ubi vero intervenit dolus, vel metus non tollens voluntarium sufficiens ad juramentum, pactum quidem servandum est propter reverentiam juramenti; Judge tamē eum, in cuius favorem juratū est, cogere potest, ad illud relaxandum, & in ejus defectu ipse relaxare; quia potest lœsorem compellere, ut lœso compenset damnum, reponendo eum in statum veterem.

2589.

Quæres 6. quid, si Pater tali filio, supposita ejusmodi renuntiacione jurata, nihilominus aliquid testamento reliquisset, vel in vita donasset? seu, quod idem est,

an supposito filiæ pacto jurato; quod velit contenta esse dote accepta, vi hujus prohibetur aliquid exigere de sibi legatis, vel sponte postea donatis à Patre? & negativè cum Gail. lib. 2. observ. 148. nn. 11. quia pactum juratum de non petenda hæreditate, quod in præsens ponimus, non extendit se, nisi ad casum necessarie successionis; non autem legati, vel donatio gratuita.

Quæres 7. quid si tale pactum, vel renuntiatio facta esset non sic simpliciter, ut Patri liberum esset disponere de illis bonis, sed in expressum, vel tacitum favorem v. g. Fratrum, aut ijs deficientibus, aliorum cognatorum lateralium? & quod in eo casu, deficientibus illis, quibus favere cupiebat, filia licite, validèque succedat tam ab intestato, quām ex testamento; quia sic cessat causa principalis illius pacti, scilicet favor eorum, quorum causa pactum est initum; ita Covar. cit. §. 3. n. 4.

Quæres 8. quid si de hoc ipso dubium sit? Resp. in tali dubio renuntiationem interpretandam esse cum minimo præjudicio renuntiantis. Nam renuntiations, de non succedendo, sunt odiosæ, & stricti juris. L. pactum, 3. de collat. & ideo ultra casum expressum extendi non debent.

Quæres 9. quid dicendum, si filius, vel filia renuntians supervixit parenti? & in eo casu non solum filium, vel filiam, sed etiam liberos eorum, & hæredes, excludi ab hæreditate, cui sic renuntiatum est; quia tunc urget c. quamvis; & hæredes ipsius non possunt avo succedere, nisi vi juris, quod habet Mater; sed hæc in dato casu jus nullum habet; excipe tamen, nisi persona renuntians, vi talis pacti, esset enormiter, & multum ultra dimidium lœsa. Tunc enim non obstante renuntiatione, etiam juratā, potest petere juramenti relaxationem, & restitutionem in integrum. 1. quia non præsumitur in tantam lœsionem consensisse jurans, nec de illa præcogitasse; 2. quia ex enormi lœsione præsumitur dolus, & comparatur dolo vero, seu proposito, sine quo re ipsa fieri non potest enormis lœsa; Abbas in c. cum contingat, de jure jurando n. 23.

Quæres 10. quid si prius obiit, quām Parens? Resp. quod Molina tr. 2. de Jure & iust. D. 579. nn. 14. doceat, etiam eo casu liberos, & hæredes filiæ, quæ jura-

to

to pacto renuntiavit hæreditati paternæ, jure successionis carere; sed contrarium videtur probabilius, etiam sine relaxatio-ne juramenti; quia nec prohibentur juramento Matris (cūm ejus obligatio sit tantum personalis) nec vi pacti. Quia pa-cetum jure naturæ irritum appositione ju-ramenti non confirmatur in ratione pacti, seu contractus, ut diximus à nn. 2568. in cuius contrario supposito procedit resolu-tio Molinæ; & aliunde impedimentum, vi cuius Mater carebat in actu secundo jure succedendi, nimurum juramentum, ejus morte tollitur; ergo.

Verum, et si hoc rectè dicatur sub ter-minis propositis; tenenda tamen est sen-tentia Molinæ, quando pactum sic est ju-ratum, ut pacientibus sit *instar legis per-petua valiturae*. Tunc enim obligatio juramenti taliter emissi non est mere *per-sonalis*; sed *instar legis annullantis omne-jus* in id deinceps, super quo tale pa-cetum initum est, & que, ac si lege Superioris, in-habilitante ad aliquam super eo præten-sionem, jus illud, ejusmodi pacto cessum, legitime ablatum esset.

Quæres 1. an valeat pa-cetum affirma-tivum *de succedendo*, quo scilicet Titius Cajo promittit, quod ipsum velit hæ-re-dem nominari? R. jure civili non valere: L. *pactum*, & L. *fin. C. de pact.* nec etiam per appositum juramentū sic convalescere, ut, ex vi talis pacti, promissario detur actio *ex iustitia*; quia censetur contra bonos mores propter annexum periculum non ex ob-jecto, sed subjecto, nimurum vitiō cupi-ditatis bonorum temporalium, præbendi ansam machinandi mortem promittenti; quod bono communi grave incommodum est; ita Covar. in c. *quamvis*, p. 2. §. 1. n. 8. & p. 3. *initio*, n. 2. Gail. lib. 2. *obser-v.* 125. nn. 2. Layman, lib. 4. tr. 3. c. 8. n. 4. & in c. *quamvis*, *de pact.* n. 2. excipe pa-ceta gentilitia familiarum, quæ ex usu re-cepto, præsertim Germaniæ, inter illu-stres familias fiunt in defectu Successionis. V. Pirhing, *de pact.* §. 40. n. 34. *in fin.*

Dices 1. ergo si non obstante tali pro-missione jurata Titius alium à Cajo hæ-re-dem instituat, non erit perjurus? R. N. illatum; quia esto non ligetur *vi pacti*, li-gatur tamen *vi juramenti*; hinc, ut licet agat, priùs petere debet relaxationem ju-ramenti. Dices 2. ergo in tali casu in-

stitutio alterius erit invalida, & Caju-s contra ipsum, aut ejus hæredem habe-bit actionem; nam ex pacto promissario, & negativo nascitur actio, ut dictum est; ergo etiam ex affirmativo, de succeden-do. R. N. totum illatum; quia talis di-spositio nullo jure irritatur; & patitas noti-tenet, quia, quod in primo casu detur a-ctio, est, quod juramentum sit de re, non præbente ansam machinandi mortem; in secundo autē casu juramentū non est tale.

Instabis: ergo nec valebit juramen-tum, cūm sit de malo opere patrando & sed negatur illatum; aliud enim est ju-ramentum *esse illicitum*, aliud *ipsum esse de re illicita, & mala*. Illud sœpe paris obligationem; secus istud. Unde cūm dicitur: *juramentum contra bonos mores præstitum non obligat*, intelligendum est, quando ipsum est *de re illicita*; Suarez h̄ic lib. 2. c. 15. nn. 3. Sanchez, l. 3. c. 9. n. 13. Hinc, si lex, contra cuius prohibi-tionem juratur, non obligat sub culpa, semper obligat, tale juramentum ex vi religionis; Layman cit. num. 7. Unde not. quod humanae leges prohibentes, vel inserviantes pa-tiones, quarum finis proximus est *commodum pacientium*, non soleant eos obligare sub culpa; secus, si finis proximus sit *bonum Reipublicæ*; ta-lia enim pacta contra has leges, etiam ju-rata, non obligant; cūm sint de re illicita, & contra jus publicum; secus illa; sic Layman cit. excipe, nisi honestari possint.

Ex hoc colliges 1. et si Princeps Catho-licus peccet, absque maxima necessitate in sua provincia hæreticis permittendo, aut promittendo exercitum publicum: post-quam tamen publicā, & juramento con-firmatā fide pollicitus fuit, eum obligari ad servandum; quia quæ non ita intrinse-cè mala sunt, quin aliquā ratione coho-nestati possint, hac ipsā juramenti circum-stantiā cohonestantur; ita Layman l. 4. tr. 3. c. 7. n. 3. *in fine*.

Colliges 2. si pa-cetum turpitudinem con-tineat ex parte exigentis, vel acceptantis, illud juramento non vestiri, consequenter actionem non dari; Molina, tom. 1. l. 2. d. 149. §. quatuor; Sanchez de Matr. l. 4. d. 20. n. 5. & lib. 3. moral. c. 12. Idem dic de pacto per vim, vel metum extor-to; Layman cit. c. 8. n. 2. consequenter à parte remittendum esse, vel à Superiori

relaxandum. Hoc enim exigit innocentium defensio, & tranquillitas Reipublicæ, & ne quis ex iniuritate sentiat commodum. Juramento autem sic soluto, cessat ejus obligatio etiam quoad Deum. Omne enim juramentum promissorium, tacitam habet conditionem, nisi promissarius obligacionem remittat, vel legitimus Judex ex iusta causa rescindat; Sanchez l. 3. moral. c. 22. num. 15.

Colliges 3. quod actus gestus, contra prius juramentum, validus quidem sit; sed illicitus, si pendet à mera facultate agentis; sic matrimonium de praesenti, initum contra priora sponsalia, etiam jurata, valet; c. sicut, de Sponsal. Azor p. 1. mor. inst. l. 11. c. 6. q. 3. Ferdinandus Rebelius p. 2. de Just. l. 1. q. 9. n. 13. Not. autem, quod juramentum aliud sit, per se stans; aliud confirmatorium actus, cui adjicitur; illud solum obligat ex virtute religionis; istud præterea facit, ut ex acto, cui adjicitur: alias, & de se invalido nascat alia quedam obligatio vel saltem actio.

Advertendum tamen, quod juramentum promissorium, adiectum promissioni, restringi debeat juxta materiam actus, supra quem cadit. Nam accessorium sequitur naturam sui principalis, Reg. 24. de Reg. Jur. in 6. nec jurans præsumitur, se aliter voluisse obligare; Castropalaus tom. 3. l. 14. D. 2. de Juram. p. 14. hinc easdem conditiones, vel restitutiones recipit, quas de Jure, vel consuetudine habet actus promissionis, cui juramentum adhaeret; Tamburinus in decal. l. 3. c. 3. §. 4. n. 3. Promissio autem communiter habet quatuor conditiones generales 1. si potuero, intellige licet; 2. si Superior legitimè non contradicat; 3. si res non fuerit notabiliter mutata; 4. si promissio fuerit acceptata, aut non remittatur à parte. Not. verò, non esse idem, juramentum esse validum, & juramentum esse confirmatorium actus, ei tribuendo valorem v. g. in ratione pacti. Primum enim habet, quandocunque servandum est, propter honorem Dei; esto ei, in cuius favorem sit, nullum jus pariat; contractum autem de se nullum juramento non confirmari, constat ex dict. n. 2568.

quamvis nihilominus servati debeat,  
ut dictum est n. cit.

\* \* \*

## ARTICULUS VII.

### De Confirmatione pacti per Superiorem.

2597. **I**nc. quoties, de pactis, habetur, conventiones, & pacta, quæ v. g. fiunt in Ecclesijs, per consensum Pontificis, & ratificationem postea praestitam, confirmari. Sermo non est de pactis jure naturæ irritis (hæc enim nulla humana autoritate convalescere possunt) sed aliquo saltem modo validis, spectato jure naturali; Layman in cir. c. quoties: sed in hac re nihil minus distinguendum est. Nam pactum subditorum, sine consensu Superioris initum, & nullum, jure scilicet duntaxat humano, vel requirit eum consensum Superioris ad substantiam actus in initio, vel solum per accidens? Tunc autem requiritur ad substantiam, cum petitur per modum auctoritatis, & lieentia; secundus, si solum per modum simplicis consensus. Si requiritur secundo modo? pactum statim in principio valet, & per consensum Superioris postea praestitum, confirmatur; sic enim nihil deerat in initio ad substantiam actus: si vero requiritur primo modo? pactum per praestitam postea Superioris ratificationem non valer pro tempore actus gesti sine tali consensu, propter rationem oppositam.

Exemplum habetur in Tutori, qui, licet authoritatem praestet, post contractum à pupillo initum; per hoc tamen eum non confirmat, L. obligari 9. & Tutor ff. de Autor. Tutor. Excipe, nisi ratificatione æquivaleat mandato. Tunc enim fictione juris retrotrahitur ad diem actus gesti, & perinde valet, ac si in principio actus adfuisse consensus, & mandatum Superioris, per Reg. 10. de Reg. Jur. in 6. tunc autem æquivalat mandato, cum rem sine mandato nostro, sed nomine nostro gestam, approbamus, c. cum quis, de sent. excom. in 6.

2598. **F**ictione juris eo fine inventa est, ut supplet defectum veritatis; hinc definitur, legis adversus veritatem, in re possibili, ex iusta causa dispositio; unde in iis casibus, ubi locum habet, quoad certos effectus tantum operatur dispositione juris, quantum veritas. Adhibetur non solum Jure Civili, sed etiam Canonico, teste Joanne Strei-